

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 81. sjednici, održanoj 09.12.2016. godine, d o n o s i

ZAKLJUČAK

I.

Daje se saglasnost Nurđehanu Šahinoviću, ministru Ministarstva za rad, socijalnu politiku i izbjeglice, da u ime Vlade Zeničko-dobojskog kantona pristupi potpisivanju Ugovora o pravima i obavezama ugovornih strana u vezi sa pružanjem usluga dnevnog zbrinjavanja djece i odraslih osoba s posebnim potrebama u Zenici.

II.

Zadužuje se Ministarstvo za rad, socijalnu politiku i izbjeglice Zeničko-dobojskog kantona da u skladu sa zakonom i podzakonskim aktima realizuje ovaj zaključak.

III.

Zaključak stupa na snagu danom donošenja.

Broj: 02-_____/16.

Datum, 09.12.2016. godine

Zenica

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,

1x Ured Premijera,

1x Ministarstvo finansija,

1x a/a.

UGOVOR

o pravima i obavezama ugovornih strana u vezi sa pružanjem usluga dnevnog zbrinjavanja djece i odraslih osoba s posebnim potrebama u Zenici

zaključen u Zenici, dana _____ 2016. godine između:

1. **ZENIČKO-DOBOJSKOG KANTONA – MINISTARSTVA ZA RAD, SOCIJALNU POLITIKU I IZBJEGLICE**, sa sjedištem u Zenici, Ulica Kučukovići broj 2, koje po ovlaštenju Vlade Zeničko-dobojskog kantona zastupa Nurdehan Šahinović, ministar (u daljem tekstu: *Kanton*),
2. **GRADA ZENICA**, sa sjedištem u Zenici, Ulica Trg BiH broj 6, koju zastupa Fuad Kasumović, gradonačelnik (u daljem tekstu: *Grad Zenica*),
3. **JAVNE USTANOVE „DOM PORODICA” ZENICA**, sa sjedištem u Zenici, Ulica Crkvice broj 20 C, koju zastupa Branislav Dilber, direktor (u daljem tekstu: *Dom porodica*) i
4. **JAVNE USTANOVE CENTAR ZA DJECU I ODRASLE OSOBE S POSEBNIM POTREBAMA ZENIČKO-DOBOJSKOG KANTONA** – sa sjedištem u Zenici, Ulica Saliha Cakana Mulalića broj 5, koju zastupa Suno Kovačević, direktor (u daljem tekstu: *Ustanova*).

Ugovorne strane konstatuju da ovaj Ugovor predstavlja nastavak održivosti razvijenih usluga dnevnog zbrinjavanja djece i odraslih osoba s posebnim potrebama sa područja Grada Zenica i štićenika JU „Dom porodica“ Zenica. Ugovor omogućava nastavak aktivnosti koje su bile uređene Ugovorom o pravima i obavezama ugovornih strana u vezi sa pružanjem usluga JU „Škola za odgoj, obrazovanje i rehabilitaciju osoba s poteškoćama u psiho-fizičkom razvoju“ Zenica, broj: 09-35-15896/15 od 20.08.2015. godine, kao i Aneksa navedenog ugovora, broj: 09-35-16135/16 od 22.09.2016. godine.

I – OSNOVNE ODREDBE, CILJ I PREDMET UGOVORA

Član 1.

Predmet ovog Ugovora predstavljaju međusobna prava i obaveze ugovornih strana koje proizilaze iz potrebe obezbjeđenja uvjeta za funkcionisanje usluga dnevnog zbrinjavanja za odrasle osobe, odnosno korisnika usluga JU „Škola za odgoj, obrazovanje i rehabilitaciju osoba s poteškoćama u psiho-fizičkom razvoju“ Zenica i štićenika JU „Dom porodica“ Zenica.

II – KORISNICI

Član 2.

Korisnici usluga dnevnog zbrinjavanja su osobe s posebnim potrebama i njihove porodice sa područja grada Zenica i štićenika JU "Dom porodica" Zenica (u daljnjem tekstu: *korisnici*) i to:

- djeca školskog uzrasta koja se ne mogu uključiti u redovan školski proces zbog svojih posebnih potreba;
- djeca koja pohađaju redovni obrazovni proces, a imaju potrebe za uslugama Ustanove;
- odrasle osobe sa posebnim potrebama (starosti do 23 godine i više) koje imaju potrebe za uslugama osposobljavanja za samostalan život i rad.

Uslovi tretmana korisnika su regulisani Pravilnikom o radnoj organizaciji pružanja usluga i načinu ostvarivanja prava korisnika Ustanove.

III – USLUGE

Član 3.

Javna ustanova Centar za djecu i odrasle osobe s posebnim potrebama Zeničko-dobojskog kantona (u daljem tekstu: Ustanova) se obavezuje da će korisnicima pružati slijedeće usluge dnevnog zbrinjavanja:

- usluge odgoja, osposobljavanja i rehabilitacije za sve korisnike školskog uzrasta koji ne mogu pohađati redovni obrazovni proces shodno raspoloživim kadrovskim i prostornim kapacitetima;
- usluge radnog osposobljavanja, stručne i radne rehabilitacije za korisnike odrasle dobi shodno raspoloživim kadrovskim i prostornim kapacitetima radionica;
- usluge fizikalnog tretmana i govorne terapije za korisnike, kao i za djecu sa posebnim potrebama koja pohađaju redovni obrazovni sistem i imaju potrebu za tim uslugama, a shodno raspoloživim kadrovskim kapacitetima;
- usluge dnevnog zbrinjavanja korisnika što uključuje i obezbjeđivanje jednog obroka – užine, brige i nadzora za vrijeme boravka;
- usluge stručnog savjetodavnog rada za sve korisnike i njihove porodice.

Član 4.

Ustanova se obavezuje da će usluge prevoza obezbijediti onim korisnicima koji nisu u stanju koristiti sredstva javnog prevoza ili zbog nedostatka sredstava, odnosno zbog nepostojanja organizovanog javnog ili privatnog prevoza.

IV – IZVJEŠTAVANJE

Član 5.

Ustanova se obavezuje da će redovno podnositi izvještaje ugovornim stranama na način propisan članom 77. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 03/05 i 02/16).

V – FINANSIRANJE USLUGA

Član 6.

Usluge Ustanove određene u članu 4. ovog ugovora će finansirati Kanton i Grad Zenica i to:

- do kraja 2016. godine, Kanton će mjesečno izdvajati do 10.000,00 KM;
- Grad Zenica se obavezuje da će u Budžetu za 2017. godinu planirati sredstva za finansiranje 1/3 troškova usluga dnevnog zbrinjavanja korisnika iz Zenice, dok će Kanton finansirati 2/3 troškova usluga Ustanove;
- Dom porodica će organizovati ishranu korisnika u okviru raspoloživih kantonalnih sredstava u skladu sa Ugovorom o pružanju usluga u JU „Dom porodica“ Zenica, broj: 09-35-4773/16 od 18.03.2016. godine.

Član 7.

Ugovorene strane, iz člana 6. Ugovora, obavezuju se da će doznaku sredstava vršiti prema mjesečnom trebovanju sredstava od strane Ustanove, a u okviru preuzetih obaveza na račun Ustanove, broj 134-010-00003817-18, otvoren kod Investiciono-komercijalne banke Zenica.

Član 8.

Finansijskim sredstvima iz člana 6. ovog Ugovora će se pokrivati slijedeći troškovi dnevnog zbrinjavanja sa područja grada Zenica:

- troškovi režije: električna energija, voda i kanalizacija, odvoz smeća, grijanje, PTT, održavanje i obezbjeđenje zgrade i čišćenje prostora;
- troškovi osoblja (plaće i druge naknade),
- materijalni troškovi: osiguranje, održavanje i registracija vozila (troškovi goriva), didaktička sredstva i pomoćni materijali (aktivnosti), troškovi ishrane korisnika od 2017. godine, evaluacija, doškolovanje i edukacijske mjere;
- administrativni troškovi: knjigovodstveni i bankovni troškovi, kancelarijski materijal, odnosi sa javnošću, administracija rada.

VI – ZAVRŠNE ODREDBE

Član 9.

Ugovorne strane su se sporazumjele da će do kraja 2016. godine, odnosno do usvajanja budžeta Grada Zenice i Zeničko-dobojskog kantona, razmotriti finansijsku situaciju s ciljem praćenja realizacije Finansijskog plana iz člana 6. ovog ugovora.

Član 10.

Ustanova se obavezuje da će provoditi aktivnosti sa ciljem pronalaženja privrednih subjekata i drugih donatora koji su spremni donirati finansijska i materijalna sredstva za unapređenje usluga dnevnog zbrinjavanja korisnika sa područja Grada Zenica.

Član 11.

Eventualne izmjene i dopune ovog ugovora biće regulisane posebnim Aneksom.

Član 12.

Sve eventualne sporove ugovorne strane po ovom ugovoru će rješavati dogovorom, a ukoliko to ne bude moguće, nadležan je Općinski sud u Zenici.

Član 13.

Ovaj Ugovor je sačinjen u 4 istovijetna primjeraka, od kojih po jedan zadržava svaka ugovorna strana.

Ovaj Ugovor stupa na snagu danom potpisivanja, a primjenjivat će se od 19.09.2016. godine do 31.12.2016. godine.

UGOVORNE STRANE:

za Zeničko-dobojski kanton:

za Grad Zenica:

ministar: Nurđehan Šahinović

gradonačelnik: Fuad Kasumović

Broj:_____

Broj:_____

za JU Centar za djecu i odrasle
osobe s posebnim potrebama
Zeničko-dobojski kanton

za JU „Dom porodica” Zenica:

direktor: Suno Kovačević

direktor: Branislav Dilber

Broj:_____

Broj:_____